



Inatsisartuni ilaasortaq, Anthon Frederiksen, Partii Naleraq

§ 37 naapertorlugu apequt nr. 2016-095-imut allakkatigut akissuteqaat

Brevdato: 11-04-2016
Sags nr.2016 - 5531
Dok. nr. 9350370

Asasara Anthon Frederiksen,

Inatsisartut Suleriaasianni § 37, imm. 1 naapertorlugu apequteqaammut nassiussannut qujanaq.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: lsan@nanoq.gl
www.naalakkersuisut.gl

Matuma kinguliani apequt akineqarpoq:

1. Nioqqutissanik umiarsuakut nunatta avannaani pilersuineq siuartinneqarsinnaanersoq imaluunniit pitsaanerulersinneqarsinnaanersoq Naalakkersuisut qanoq illiuseqarfigisinnaavaat?

Akissut: Aningaasanut inatsimmi usinik ilaasunillu assartuussinermut kiffartuussinissamik isumaqatigiissutinut aningaasanik immikkoortitsisoqartarpoq, nuna tamakkerlugu attaveqaatit pilersuinerlu qulakkeerniarlugit. Sinaakkusiussat taakku iluanni attaveqaatit innuttaasunut iluaqutaanerpaamik pilersitsinissaq Naalakkersuisut anguniagaraat, taamatullu nuna tamakkerlugu pilersuineq pingaartinneqartorujussuuvoq. Kisiannili nunap angissusia taamatullu najugaqarfiit siammasinnerat, issittumilu sila umiarsuit atorlugit pilersuinermi unammilligassanik pilersitseqataasinnaapput.

Nassiussanik pilersuineq pingaarneq Royal Arctic Line-mut / Royal Arctic Bygdeservice-mut isumaqatigiissutit iluanni ingerlanneqarpoq. Ajoraluartumik isumaqatigiissutit taassuma iluani Nunatta avannaanut assartuussisarnerit pilersuisarnerillu akulikinnerulersinneqarsinnaanngillat. Naalakkersuisoqarfinnit Royal Arctic Line / Royal Arctic Bygdeservice ingerlaavartumik oqaloqatigineqartarpoq, tamannalu tunngavigalugu ingerlatseqatigiiffiit isumaqatigiissummi pisussaaffimminik malinninnissaat tatigilluinnarpara.

Tamatuma saniatigut ilaasunik, allakkanik nassiussanillu angallassinermut
kiffartuussinissamut isumaqatigiissutit nutaat, 2017-imiit atuutilersussat
isumaqatigiissutigineqartussaapput, tassanilu nuna tamakkerlugu, nunaqarfiit
tamakkerlutik isorliunerusullu tamarmik pitsaanerpaamik kiffartuunneqarnissaat,
taamaalillunilu innuttaasut tamarmik pitsaanerpaamik iluaquserneqarnissaat
Naalakkersuisut soorunami anguniarniarpaat. Kisiannili assartuussinerup pilersuinerullu
qanoq akulikitsiginissaannut sulikillissaqartoqarpoq, siammasissumik
assartuussisarnerup ingerlanneqarneranut aningaasartuutit amerlammata.

Akit katitigaaneranni paasiuminassutsip annertusinissaanik angusaqarnissaq, kiisalu
aningaasassarititaasunut sinaakkusiussat iluanni attaveqaatinik annertunerpaanik
pilersitsinissaq Naalakkersuisut anguniagaraat.

Neriuppunga matumani apeqquutit akisimassallugu.

Inussiarnersumik inuulluaqqusillunga



Knud Kristiansen